

BRIGGS' OPHTHALMO-GRAPHIA.


1676











15385 /A /1













I. 6. 10.



Tenison.

Ex dono Anthoij's.



26 E. 28/ 1970

26 E. 28/ 1970

Thomas Termon. Born at
Colchester 1626

Minister of the Holy Trinity

1674/1680. Bp of Lincoln 1696

to Bp of Canterbury 1698

1676,

1677.

Ophthalmo-graphia,

SIVE

Oculi ejusque partium de-
scriptio

Anatomica.

Authore

Guilielmo Briggs A. M. & Coll. Corp.
Christi in Acad. Cantab. Socio.



CANTABRIGIÆ,

Excudebat Joann. Hayes, Celeberrimæ Academiz Ty-
pographus, impensis Jon. Hart Bibliopolæ
Cantab, 1676.



1
1

200/111 192
1107

111
111
111

Hon

lith

R

rmig

111

111

111

111

111

111

111

111

111

111



Honoratissimo, Nobi-
lissimoque Domino

Radulpho Montagu

Armigero, Serenissimo Re-
gi nostro à Secretioribus Consi-
liis, & nuper Legato ad Regem
Galliae dignissimo.



On diu deliberan-
dum esse censui,
Vir illustrissi-
me, cuinam po-
tius hoc Specimen Anatomicum
A 2 inscri-

Epistola Dedicatoria.

inscriberem, cùm insignem clementiam vestram paulò ante legationem in Galliam mihi immerenti indultam recoluissem.

Eo sanè tempore quo pacis bellique arbiter ab augustissimo Rege nostro constitutus es, & quo ardua Regni negotia pervolvisti anxius, humanissimè pollicitus es te studiis nostris propitium fore, iisdémque apud externos benignè afflaturum. Hisce equidem præidiis animatus immotas Galliæ regiones contendendi, ut inter dulcissimas Monspelienses Musas aliquid te dignum, pro meo saltem ingenii modulo, assidue medi-

Epistola Dedicatoria.

meditarer. In illo enim amœ-
nissimo loco (dum Parisiis
gentis nostræ decus & tuta-
men extitisti) patrocinii tui
aura, pariter ac nivium
Alpinarum inter itineris ar-
dores & tedia peramœnus
aspectus, animum è longin-
quo refocillavit, & me inter
cruda molimina & difficulta-
tes Anatomicas anhelum blandè
refecit. Accipe itaque, Me-
cænas optime, hasce stu-
diorum nostrorum primitias,
quæ clientelari jure tibi po-
tissimùm debentur; & demit-
tas oculos illos (Natalium

Epistola Dedicatoria.

splendore illustres) in hoc munusculum, quod tibi humilissime offert

Nominis tui

cultor devotissimus,

Guil. Briggs.



PRÆFATIO.



Escio qualem sortem habitura est (*benevole Lector*) proles hæc exigua, quæ præsertim sæto hoc Anatomicorum sæculo in lucem prodit. Enimverò nunquam ardentiori studio corporis humani partes evolutæ sunt, aut feliciori industriâ sinuosi Naturæ tramites indagati. Nullis sanè parcendum est curis aut laboribus dum salutem humanæ prospicimus, aut immensi Conditoris nostri gloriæ ullatenus inservimus. Dum verò indies, superstitum gratiâ, capulus feralis inspicitur, dum aliæ Microcosmi par-

Præfatio.

res sedulò satîs excutiuntur; pulcherrimum interim hoc visionis Organon pefunctoriè nimis (ut mihi visum est) ab authoribus illustratur. Pars sanè *Optices Mathematica* à Clariss. viris *Mersenno, Keplero, Aguilonio, Nicerone, &c.* uberius excolitur; pensum verò *Anatomicum* ab iisdem in transitu tantùm & parciùs attingitur. Pauci interim illi, qui ex professo huic studio incubuerunt, vel observationes suas Veterum Philosophiæ & placitis submisere (præcipuè dum de coloribus Iridis, primario visionis Organo, &c. disserunt) vel partes aliquas, vasa nempe lymphatica & veram lachrymarum, æquè ac *Nili*, originem ignorarunt. Cogitabam itaq; sæpiùs hanc partem (quæ inter nobiliora corporis membra meritò recensetur, & cujus cognitio tam *Mathefi* quàm *Physicæ* utilis videatur) scrutinium diligentius efflagitare.

Quamobrem diu exoptavi, ut alii
(quos

Prefatio.

(quos nec annis, nec exercitatione diuturnâ exæquo) huic muneri insudarent ; quod si fecissent, hoc sanè opusculum intra proprios lares delituisse ulteriùs, & ejusdem author *mutas hasce artes* clàm tantùm & inglorius lubentèr agitaasset.

Hanc itaq; Spartam ab aliis neglectam excolere studui ; in quâ si quid profecerim, illud summæ benevolentiae doctissimi dexterrimique Anatomici D. *Viussenii M. D.* & in celeberrimâ Academiâ Monspelienfi Practici eximii, me magnâ ex parte debere gratus agnosco. Ille enim ingenti, quâ pollebat, humanitate mihi primùm elegantem partium structuram & labyrintheos flexus ostendit, per jucundâ œconomiae animalis notitiam ultrò instillavit, & universa corporis humani stamina summo mentis & cultri acumine exhibuit. Ipse quidè m animum ad hosce conatus primus accendit, & *me alia ferè cogitantem* blandis studiorum

Præfatio.

diorum & amicitiae commerciis sibi devinxit; adeò ut sæpè in Paradiso illâ terrestri, spretis *Fasmini*, *Balsamita*, & *serpylli* odoribus (quos felix illud solum passim exhalat) posthabitisq; cæteris foemineis oblectamentis, tetra quidè Nosophomii theatriq; Anatomici limina, non exiguâ voluptate, pertransivimus.

Hisce auspiciis instructus rei Anatomicæ incubui, & in contemplatione mirandæ hujus *organi visorii* structuræ (partim rerum pulchritudine, & partim difficultate detentus) diutius hæsi. Quo verò successu hæc omnia peregi, penes te est (*Lector ingenue*) decernere: spero interim quòd conjecturas, quas de *Iride*, *diversâ humorum densitate*, *separatione lymphæ*, *Musculorum motu*, &c. (magnaliis illis Naturæ) hæsitantèr proposui, æquo animo expendes, aut proferes saltè n meliores. *Vale.*

C A P I-

CAPITUM ET RERUM SYNOPSIS.

CAP. I.

De Oculo in genere.

- O**culi præstantia Pag. 1.
Partes Oculi propria & ad-
scititia 2
Cur ejusdem pars antica posticâ con-
vexior est 3
Situs Oculorum commodus, quod de-
bitam distantiam servant, & quod
in equilibrio positi sunt ibid.
Unde est quod unica tantum sensatio
ab ambobus exoritur 4
Ratio apparentiæ objecti geminæ
à pressione Oculi, ubi opinio vul-
garis refellitur 5
Cur strabonum Oculi hoc vitio non
laborant ibid.
Oculi magnitudo respectu objecto-
rum visibilium expenditur 6

CAP.

CAP. II.

De Oculi partibus, & speciatim
de Musculis.

Musculorum numerus in ho-
mine Pag. 7
Cur Musculus attollens deprimente
major est ibid.
Duo muscoli obliqui seu amatorii 9
Duo reliqui in brutis, quorum unus
suspensorius dictus usum insignem (præter opinionem vulgarem) videtur obtinere 10
Quinam nervi motui horum musculorum inserviunt ibid.
Unde à morbis, studiis immodicis, &c.
musculi flaccescunt 11
Causa mora spirituum animalium in
contractione musculi; ubi Cartesii sententia de valvulis circa
principia musculorum rejicitur ibid.
Usus musculorum secundarius, quo
tàm sensui quàm motui inservi-
unt 12

CAP.

CAP. III.

De Membranis five Tunicis.

MEmbranarum numerus sta-
tuitur contra opinionem
Mersenni Pag. 14
Quid dicendum est de tunica corneae
substantiâ ibid.
Tunica adnata vasa in Ophthalmiâ
conspicua 15
Tres tunicae corneae lamellae, quae in
oculo bovino faciliè separantur ibid.
Causa iridum, quae circa lucernas
interdum apparent ibid.
Cur hæ compressioni humoris crystal-
lini neutiquàm tribuenda sunt 16
Humor tunicam corneam perpetim
alluens 17
De trabibus luminosis, quae à corpo-
ribus lucidis videntur profluere,
dum eadem clausis ferè oculis in-
tuemur ibid.
Tunica choroeides iridem & liga-
mentum ciliare progignit 18
Cur

*Cur nigra est in homine, in aliis
 verò animalibus diversicolor ibid.*
*Cur Iris præsertim in hominibus tam
 variis coloribus depingitur p. 19*
*Unde est quod Germani, Angli, &c.
 Boreales terræ partes incolentes
 oculis cæsis, Zonæ verò torridæ
 incola nigris ut plurimum donan-
 tur 20*
*Ratio particularis coloris variegati
 Iridis 21*
*A subtilissimâ filamentorum indole
 (per analogiam cum aliis phæno-
 menis factam) deducitur 22*
*Usus ligamenti ciliaris, & Motus
 reciprocus ibid.*
Pupillæ motus 23
*Unde est quod stellæ scintillare vi-
 dentur ibid.*
*Pupilla obsequitur motui fibrarum
 ligamenti ciliaris; quibus con-
 tractis dilatatur, & vice versâ ib.*
*Unde est, quod dum oculos attollimus,
 pupilla nequit ritè dilatari, indèq;
 radios pauciores admittit 24*
 Cur

*Cur astra apparent majora propè ho-
rizontem quàm in locis meridia-
nis* ibid.

*Unde contingat (secundùm observa-
tionem insigniſſ. Verulamii noſtri)
quod in templi fastigio poſiti mi-
nores appareant aliis in loco infe-
riori conſidentibus, quàm hi illis*

pag. 25

*Tunica retiformis (utpote cerebro af-
finis) ſtatuitur eſſe primarium vi-
ſionis organon* ibid.

*Sententia de humore cryſtallino, &
tunicâ choroeide expenduntur, &
adverſariorum argumenta dilu-
untur* 26

*Juxta ejuſdem fibras in papillam
commigrantes perfectiſſima viſio
oritur* 28

*Mariotti rationes in contrarium alla-
ta examinantur* ibid.

*Unde eſt quod charta intermedia in
experimento à D. Picardo propo-
ſito evaneſcit* 29

*Quo modo diſtincta fibrarum Re-
tina*

una series optimè conspiciantur 30
Unde est quòd objecti ab oculis remo-
tio percipitur, licet idem semper
secundùm lineam rectam à nobis
recedat ibid.

CAP. IV.

De Humoribus.

H umorū numerus & differētia	pag. 32
Ratio diversæ eorum densitatis	33
Humoris aquei usus	34
Observatio particularis de visu in-	
staurato in sene	ibid.
In humore prædicto sunt suffusiones	
& cataractæ; item cæcitas inter-	
dum incurabilis à cinguli Mercu-	
rialis usu & salivatione imper-	
fecta	35
Humoris crystallini situs	ibid.
Scheineri & Kepleri sententia de	
lucula	

lūcula apparentiā in tenebris &
pressione oculi expenduntur p. 36
Vera ejusdem phenomeni causa assignatur 37
Humoris predicti diversa figura 38
Cur Myopes etate senili conspicillis
non indigent ibid.
Humoris vitrei quantitas 39
Cur hic humor semel amissus neuti-
quam reparetur contra assertionem
Kerckringii ibid.
Unde verò est quod humor aqueus è
tunicæ corneæ vulnere exiliens
forſan inſtauretur ibid.
Quare ebrietas, & vini ardentioris
usus immodicus viſus acumen ob-
tundunt 40

CAP. V.

De Arteriis, Venis, & Nervis; item
de motu spirituum animalium.

A Rteriarum exortus & propagi-
 nes pag. 41
 Vena

Vene tam internæ quàm externæ 42

Unde est quod in paroxysmo interdum

Epileptico Oculi rubescunt ibid.

*Nervorum Opticorum progressus &
tunica* ibid.

*Eorundem fibræ circa unionem neu-
tiquam confunduntur, quin di-
stincto ordine deferuntur à Cere-
bro, ut ex observatione Vesalii e-
lucescat* 43

Unde nascuntur puncta nigricantia

& gutta serena ibid.

Nervorum Motoriorum exortus 44

Unde est quod hebetes & phlegmatici

Oculos parùm vividè vibrant ib.

*Instantia insignis de Oculo convul-
sivo.* ibid.

*Quibus musculis nervi motorii pro-
spiciunt* pag. 46

Ratio motûs muscularis in oculis ib.

Unde aspectus languidus in amasiis

49

*Motus spirituum animalium in ocu-
lis* ibid.

*Unde à primo Nicotianæ haustu, &
naviga-*

navigatione vertigo inducitur ib.

Quare etiam à corpore circumgyrato
objecta videntur moveri motu
circulari pag. 50

Unde est, quod ad terram concidimus

51

Argumentum, quo probetur princi-
pium aliquod distinctum nobis
inesse, quod materiae exors est ibid.

Requiritur debita spirituum quanti-
tas ad tunicas ritè inflandas 52

Cur senes versus crepusculum malè
objecta distinguunt ibid.

Unde est quod feles & equi tunc tem-
poris sat benè vident 53

Observatio particularis de viro quo-
dam calidæ indolis, qui epistolam
ab intimo amico conscriptam in
loco obscuro perlegit ibid.

Proportio inter spirituum & radio-
rum lucidorum motum pag. 54

Cur è loco obscuro egressi lucis radios
agrè intuemur ibid.

Quare colores rubri aves Numidicas,
tauros, & leones exasperant 55

Unde est quod colores virides & cæ-
rulei oculis adblandiuntur ibid.

Cur nix & corpora alba oculorum
aciem præstringunt ibid.

Unde est quod foco propius assidentes
in somnum proclives evadimus

56

Cur è loco lucido in obscurum transe-
untes objecta agrè cernimus ibid.

Cur idem contingit ab aspectu ad So-
lem ibid.

Quare nec astrorum, nec umbræ gno-
monis, neq; glandis è bombardâ
explosæ, nec titionis accensæ &
circumvolutæ motus nobis di-
stinctè compareant

57

C A P. VI.

De Glandulis & vasis lymphaticis.

Glandula interna impropriè
lachrymalis dicitur pag. 59

Unde à fletu humor è naso extillat ib.

Quo modo à pulvere oculis illapso
per

per nasi emunctionem liberamur ib.]

Glandula externa propriè lachryma-
lis nancupatur ibid.

Arteriæ glandulis prospicientes p.60

Unde scæminæ & infantes in fletum
proclives ibid.

Modus separationis lymphæ ibid.

Unde lachrymæ sunt salsa 61

Glandularum venæ ibid.

Earum Nervi, quorum usus assigna-
tur contra sententiam clariss.
Whartoni ibid.

Cur à gaudio repentino & mæstitiâ
lachrymæ exiliunt 62

Unde etiam est quod à titillatione na-
rium, sternutatione, sinapeos vel
potius præfervidi aut acrioris
assumptione, item à risu & osci-
tatione lachrymas emittimus p.63

Vasâ & lymphatica à glandulâ ex-
ternâ oriunda ibid.

Epiphoræ causa & difficilis curatio
ibid.

Cur à corticis aurantii pressi & cepæ
incisæ effluviis lachrymas effun-
dimus

dimus pag. 64
Lympha usus primarius ibid.
Unde est quod icuncula in oculo ap-
paret 65
Cur Ophthalmia, lectiones nocturnae,
vinum absinthites, &c. visariam
facultatem debilitant ibid.
Usus lymphæ secundarius ibid.

CAP. VII.

De variâ Oculi formatione in di-
versis animalibus.

Varia Oculi formatio in homi-
nibus. 67

Unde est quod diversimodè de formâ
eiusdem sæminæ sæpiùs judica-
tur ibid.

Differentia in cæteris animalibus ibid.

Quoad tunica cornea temperiem 68

Unde est quod Aquila solis radios su-
stineat ibid.

Cur à fumo aut sapone aqua admixta
Oculi infestantur ibid.

Unde est quod Noctua, vespertilio,
Nycticorax, &c. lucem diurnam
agred

agrè patiuntur

ibid.

Pupilla in homine, fele, cane, circularis est; in bove autem, caprâ, equo, &c. elliptica, & quâ ratione

p. 69

Color diversus Iridum

ibid.

Musculi in homine exigui habito respectu ad vitulos, oves, & cetera animantia

70

Unde est quòd horum oculi tantâ pinguedine donantur

ibid.

Humorum diversa indoles & magnitudo

ibid.

Varius color tunicae choroeideos

71

Nervorum opticorum in Raiâ pisce exortus peculiaris

ibid.

Eorum unio in piscibus per simplicem contactum

ibid.

Eorundem insertio in homine, cane, è regione pupillæ, quæ interim in ceteris animalibus obliquè fit; & quâ de causâ

72

CAP.

CAP. VIII.

De administratione cultri Anatomici in dissectione Oculi.

E xperimentum Cartesianum de modo visionis	pag. 73
Aliud præstantius	74
Quatuor modi dissectionis oculi	ibid.
Modus primus	75
Secundus	ibid.
Tertius	76
Quartus & optimus	77
Methodus observanda in separatione muscülorum	78
Quo modo humor vitreus, crystallinus, & processus ciliares in situ ex unâ parte; item tunica retiformis, uvea, & sclerodes ex aliâ, optime conspiciuntur	79
Ratio cautelæ adhibendæ in prædictarum partium separatione	ibid.

ERRATA.

Pag. 9. lin. 21 leg. abducentis. p. 14. l. ult. leg. Ophthalmiâ. p. 16. l. ult. leg. per humorem. p. 20. l. 1. leg. τὰ ὀφθαλμὰ βῆ. &c. p. 27. ad marg leg papillam. ibid. l. 21. leg. morum. p. 28. l. 3. leg. apicem.



Ophthalgo-graphia,

S I V E

Oculi ejusque partium descriptio

Anatomica.

C A P. I.

De Oculo in genere.



Nter præcipuas corpo-^{I. Oculi}
ris animati partes, quæ præstan-
magni Conditoris no-^{tia.}
stri sapientiam osten-
dunt nulla sanè reperitur, quæ ma-
jori pompâ elucet (quam ipse ocu-
lus) aut quæ elegantiori formâ con-
cinnatur. Dum enim aliæ partes

B

vel

De Oculo in genere.

*Partes
propriae.*

☞

*Adsciti-
via.*

vel minori satellitio stipantur, vel in tantam venustatem haud assurgunt: Ocelli peculiarem honorem & decus à supremo Numine afflatum referunt, & nunquam non stupendæ suæ potentiae characteres repræsentant. Nulla sanè pars tam Divino artificio & ordine musculos suos & humores complectitur, nec tam ingenti vasorum & membranarum apparatu instruitur: In Oculi enim fabricam conspirant muscoli, tunicae, humores, arteriae, venae, nervi tam motui quàm sensui inservientes, vasa lymphatica, & glandulae. Quibus accedant aliae partes extrinsecæ, quæ non ad essentiam Oculi spectant; quæ verò vel ad motum, vel ad commoditatem suam aliquatenus, à provido & sagaci Naturæ authore efformantur: quales sunt pinguedo, palpebrae, cilia, supercilia, puncta lachrymalia, item os sive sinus in quo

De Oculo in genere.

3

quo continetur. Hisce verò (utpote satis notis atq; extra Oculi pomæria, & penſi noſtri rationem conſtitutis) non neceſſe eſt ut immoremur.

Oculi figura ad motum ſuum ^{2. Figura} optimè concinnatur, licet non fit ^{vid. fig. 5.} exactè ſphærica; pars enim antica (ſive cornea) convexior eſt poſticâ: hâc enim ratione radii meliùs in pupillam detorquentur, & Oculi fundus ex alterâ parte in majorem ſphæram (propter imagines rerum ibidem delineandas) expanditur.

Situs Oculorum maximè con- ^{3. Situs}gruus eſt, Primò, Quòd debitam diſtantiâ inter ſe ſervant, quæ ſi minor foret non ritè cernerentur objecta lateralìa; ſi verò major, non tam commodè in ejuſdem rei intuitu conſentirent. Secundò, Quòd ſint in æquilibrio poſiti; ita

Inspic.
fig. 4.

ut radiorum ab objecto unico vibrationes per filamenta nervorum optictorum *homologa* (quæ nempe ad amissim sibi mutuo respondent) ad cerebrum traducantur; indèque Anima nostra (veluti cum duæ citharæ chordæ unisonæ simul pulsantur) unicum tantum motum persentiscit. Ita porro nervi motori (versus origines suas sociati) ad Oculos deferuntur, ut uno Oculo moto alter statim in eandem Cœli plagam collimet. Constat enim ex mutato hoc situ, sc. uno Oculo depresso (sive non in eodem plano cum altero existente) objectum in diverso situ apparere; eò quod radii non incidunt in fibras utriusque retinæ analogas, atque hinc duæ diversæ sensationes in cerebro producantur. Si enim Oculus dexter (sinistro prius occluso) deprimatur, statim (aperto hoc) objectum in situm altiore videbitur assurgere. Hinc etiam ratio apparentiæ

tentiæ objecti (à pressio Oculo) duplicatæ desumenda est ; quæ non ab eo pendet (uti vulgò perhibetur) quod conus refractus hâc pressione in duas partes dirimitur, quæ ideo in diversis retinæ ejusdem filamentis terminari supponuntur ; sed potius ex eo quod radii fibras inde retinæ utriusque *discordes* percutiunt : quoniam hæc duplicatio eodem momento, quo oculus non pressus occluditur, evanescit. Hoc verò strabonibus non contingit licet eorum oculi prædicto more non librentur, quoniam eorundem axes optici in diversas Coeli regiones (propter pravam musculorum contorsionem) semper intenduntur ; ita ut radii ab unico objecto provenientes ab uno tantum oculo excipiantur, ideoque duas diversas sensationes minimè producant. Dum itaque strabismo laborans viris duobus occurrit axes opticos simul in utrosque torquet, ut incertum sit

dignoscere quemnam eorum potiùs
alloquatur.

4. *Mag-
nitude.*

Molem Oculi respectu objecto-
rum visibilium exiguam agnosci-
mus: hanc verò compensant tuni-
cæ corneæ convexitas & humorum
refringentium indoles, undè radii
complures ad retinam detorquen-
tur. Nec minimum huc confert
musculorum congruus apparatus;
quo statim partes objecti licet im-
mensi successivè percurrimus, &
Coeli terræque plagas facili nego-
tio perlustramus.

CAP.



CAP. II.

*De Oculi partibus, & specia-
tim de Musculis.*

PRæmisso jam generali Oculi <sup>1. Mus-
culorum</sup> examine partes ejusdem proxi-
mè evolvendæ sunt, ut diversa ea-
rum munia luculentiùs explicentur.
Inter has verò 1^o considerandi sunt
musculi, qui pinguedine obvoluti
primariam Anatomici diligentiam
in eorum separatione deprecant.
Sublatâ itaque cautè tunicâ adnatâ
sive communi & pinguedine, hi sta-
tim in conspectum veniunt.

Eorum sex in homine annume- <sup>2. Nume-
ratur; 1. Attollens, qui antago-
nistâ suo major est (uti è fig. 1.</sup>

B 4

appa-

apparet) forſitan quia validiorum
 nixu ad oculum attollendum opus
 eſt. 2. Deprimens huic oppoſi-
 tus. 3. Adducens, qui ad angu-
 gulum internum ſitum habet ; &
 4. Abducens, qui ad externum
 movetur. Hi quatuor fibris rectis
 donantur & à fundo Oculi oriundi
 ſub adnatâ tunicâ repunt & tendi-
 num ope in partem Oculi antero-
 rem inferuntur. Ab horum mu-
 tuâ *συμπερίξις* oritur aliquando illa
 partium Oculi *ἰσόρροια*, (quæ im-
 propriè motus tonicus appellatur)
 quâ fixi & attentī in objecti ali-
 cujus contemplatione diutiùs hæ-
 remus ; quo tempore æqualis ſpi-
 rituum vis ſingulis impenditur, ut
 unus aliis quoad impetum ſuum non
 præpolleat.

Duo reliqui Muſculi obliqui, à
 fibrarum ductu, denominantur ; quo-
 rum motus in amaſiis & moribun-
 dis maximè conſpicui ſunt : uti
 elegantiffimè à poeta (lib. 4^{to},
Æneid.)

& speciatim de Musculis.

9

Æneid.) describuntur; ubi ait quod
Dido infelici amoris suo succum-
bens

—— *Oculis errantibus alto*

Quæsit Cælo lucem, ingemuitque
(repertâ.

Horum enim unus, qui supe- *Vid. fig. 11*
riorem locum sortitur (& com-
muni principio cum prædictis mus-
culis ortus Oculum ad angulum in-
ternum torquet) nervo pathetico,
à *Clariss. Willisio* optimè descripto *Lib. de*
donatur. *Cereb.*

Anatom.
Trochleâ munitur ad strabismû *cap. 21.*
periculum in infantili ætate præ-
cavendum; quæ Chirurgis in fi-
stulâ lachrymali curandâ negoti-
um aliquando faceffit. Alter in-
ferior qui Oculum ad angulum ex-
ternum volvit, è peculiari foramine
egressus musculum deprimentem
superat, & juxta abducentes ten-
dines inseritur.

Præter hos musculos alii duo in
Bru-

Brutis reperiuntur, quorum alius membranofus (seu niētītans) dictus pulveris & stipularum injuriæ opponitur. Alter suspensorius malè ab Authoribus appellatur ; quia brutorum Oculi per tunicam adnatam, musculos, & nervos orbitis suis satis alligati, ab omni prolapsûs discrimine prohibentur. Pro-
usus mus- *culi Sus-* *pensorii.* *habilius* itaque est hunc musculum nervi Optici actionem (per vices) confirmare, ne à prono brutorum incessu & copioso affluxu humorum debilitetur.

3. *Motus.* Motus musculorum à spiritibus per nervos delatis (modo inferiùs Cap. 5. describendo) peragitur. Nervus enim sexti paris musculo abducenti & suspensorio impenditur; Patheticus verò trochleari profpicit; Nervus denique tertii paris in reliquos absumitur.

4. *usus, i.* Horum nervorum fibræ ad musculo-

& Speciatim de Musculis. 11

culorum corpora accedentes in ^{Inspic.} plures propagines discedunt, quò ^{fig. 1.} major spirituum copia iisdem elargitur: qua deficiente (uti à morbis, inedia, vigiliis, & studiis immodicis assolet) musculi flaccescunt nimis & relaxantur, indèque ægrè admodum Oculos in diversa objecta contorquemus. Quatenus interim hæ fibræ juxta musculorum introitum densius agglomerantur & ad se invicem magis accedunt, hinc forsan usum sphincteris præstant & spirituum regressum aliquatenus remorantur. Quod mihi magis probabile videtur quam sententia illa *Clariss. Cartesii* de ^{Lib. 24} valvulis, quæ nullâ hætenus ^{Hom.} autopsiâ confirmatur.

Præter prædictum musculorum usum, alius à quibusdam assigna- ^{5. us. 27} tur; quo tam sensui quam motui (humori nempe crystallino, seu potius ligamento ciliari) inservire supponun-

ponuntur. Verisimile enim est musculos quatuor rectos simul contractos oculum complanare, sive humorem crystallinum in visione objecti propinqui (quum *penicillus opticus* brevior existit) retinæ adducere: obliquos è contra simul agentes oculum elongare, sive humorem crystallinum, in visione objecti remotioris, à retinâ protrudere; nè aliter apex *coni refracti* ultra retinam protendatur.



CAP. III.

De Membranis sive Tunicis.

A Musculorum scrutinio ad
membranas sive involucra
oculi deveniendum est, quæ trinos
ejusdem humores blandè foveant &
tuentur.

Membranæ propriè loquendo ^{2. Mem^{br}}
(adnatâ sive communi exceptâ) ^{brarum}
duntaxat tres sunt è triplici nervi ^{numerus,}
visorii substantiâ enatæ. Cùm e-
nim quilibet nervus è duabus tuni-
cis & medullâ interiori constet;
hæc proculdubio constituit mu-
cosam retinæ substantiam, illæ scle-
roticam & Uveam efformant. Hya-
loides interim sive vitrea nullibi
reperitur; nec sanè humor crystal-
linus,

141 De Membranis sive Tunicis.

linus, nisi aeri diutiùs expositus, vel leniter coctus (instar lactis) cuticulam acquirit; quæ verò improprie tunica aranea dicitur, cum sit tantum adventitia; ut in Oculo bovis recens execto appareat. Fal-
Optic. lib. 1. par. 3. litur itaque doctiss. *Mersennus* dum uveam & choroeidem diversas tunicas fingit; quum hæc duo vocabula eandem membranam designant: quæ quoad partem posticam & anticam diversimodè apparet. Idem dicendum est de tunicâ scleroticâ, quæ in parte Oculi anteriori cornea
Substan- tia tunica corneæ tendinea. appellatur; & nihil aliud mihi videtur esse quàm diversæ fibræ motrices è sclerode transeuntes, quæ (sicut pellucidi musculorum tendines) aptè sibi invicem appositæ radios lucis facilè transmittunt.

3. Tunica adnata. Tunica adnata (quæ album Oculi constituit) à pericranio ortum habet, & ad regionem iridis terminatur: venulis & arteriis plurimis donatur quæ in Ophthalmiâ, à copioso

De Membranis five Tunicis.

15

oso sanguinis affluxu distentæ, satis dilucidè apparent. Huic alii addunt membranam innominatam ; quæ tenuis tantùm expansio est tendinum musculorum sub albugineâ desinentium.

Amotâ tunicâ adnatâ (seu communi) & resectis musculis statim ^{4. Cornea} sclerotica apparet ; cujus pars anterior, cornea dicta, è tribus tendinibus seu lamellis constat ; quæ in Oculo cocto vel bovino recens extracto facilè separantur. Ex hujus tunicæ figurâ vitiatâ oriuntur forsan Irides vel coronæ circa candellam ; quales insignis. *Cartesius*, cap. 9. lib. de Meteor. describit : Quas etiam expertus est alius mihi intimè notus, qui, cùm totam ferè noctem dextræ innixus transisset, sequenti aurorâ (dum crebrò ad lucernam attendit) pulcherrimum hoc phænomenon (quod oculum solummodo pressum seu dextrum, sinistrum verò neutiquam, affecit)

per

16 *De Membranis sive Tunicis.*

per spatium sex horarum aut amplius observavit. Primò enim magnum amœnissimæ viriditatis circulum (alium subflavum includentem) postea verò rubrum , priori supervenientem, aspexit : Qui circuli, spatio prædicto elapso, tandem evanuerunt. 'Tunica enim cornea hoc ritu diutiùs compressa rugas forsan circulares contraxit, quæ inde diversimodè radios transeuntes ad retinam detorserunt. A majori nempe eorum refractione oriebatur forsan circulus viridis, alium subflavum minùs refractum includens; deinde (corneæ rugis ferè deletis) circulus ruber à minima refractione radiorum apparuit. Quod verisimilius mihi videtur, quàm ut prædictæ Irides à compressione humoris crystallini oriantur; cum hic (lentâ utpote substantiâ præditus) difficulter admodum figuram propriam resumat; item utrinque ~~ab~~ humore aqueum

&c

De Membranis five Tunicis. 17

& vitreum à tali corrugatione impediatur.

Tunica cornea perenni humore ^{Inspic. fig. 8.} à vasis lymphaticis scaturiente aluitur, qui inter eam & cilia, licet exiguâ copâ fluit. Hinc est quod dum Oculis pene occlusis corpora lucida intuemur, radii, instar trabium luminosarum, ab iisdem videntur profluere. Humor enim ille interfluus (uti amicus doctiss. D. Newton supponit) versus ciliorum fimbrias parùm assurgit (sicut aqua in vase altiùs intumescit, dum à vasis marginibus terminatur) quo pacto contingit quosdam radios ab hoc humore refringi, priusquam attingant tunicam corneam, indeque tam sursum in confinio superioris cilii, quam deorsum in confinio inferioris, detorqueri.

Tunicæ sclerodi subjicitur ^{ægeus, s. uvea.} cujus pars anterior propriè uvea denominatur. Hæc membrana à ^{Vid. fig. 32} fundo

Lib. de
Hom.

fundo Oculi ad pupillam usque protenditur ; illic verò duplicata ex unâ parte iridem, ex aliâ processus ciliares efformat. Nigra est, ut radios (ab Oculi fundo ad anteriorem ejus partem reflexos) obumbret ; nè hi (ut ait clariss. *Cartesius*) ad Oculi fundum retorti ibidem confusam visionem efficerent. Alia forsan ratio hujus nigredinis statuatur, quod radii in visione superflui, qui ab objectis lateralibus proveniunt hoc ritu absorbeantur. Ita enim è loco obscuro interdium objecta optimè intuemur ; quia radii tunc temporis circumfuso lumine non diluuntur : atque hinc secundùm Perspectivæ regulas tubulum Oculo admoveamus, nè radii laterales distinctam objecti visionem interturbent.

Hic verò tunicæ uveæ usus apud homines præcipuè obtinere videtur, quoniam inter pleròsque quadrupedes (qui noctu præsertim

victum

viſum quæritant, aut tenellæ ſuæ proli tunc temporis invigilant) hæc membrana cæruleo vel flavo colore refulget; adeoque ab exigua lucis vibratione ſatis illustratur; unde ex parte forſan contingit, quod hi noctu melius quàm homines vident, ut (vice verſa) nos interdiu eorundem viſus acumine proculdubio ſuperamus.

Ex hac tunicâ, ut modò dictum ^{6. Iris.} eſt, producitur Iris (è triplici circulo compoſita) quæ nunc cærulea, nunc cæſia, nunc nigra evadit: imo verò aliquando in eodem viro (uti novi) Oculorum Irides diverſi coloris exiſtunt; quod proculdubio à diverſâ caloris & ſpirituum (è cerebri lobis prodeuntium) temperie & diſtributione dependet. Quam opinionem ulterius ſtabilire videtur obſervatio illa *Ariſtotelis*, ^{Ratio generalis} Cap. 10. lib. 1. de Hiſt. Animal. ^{diverſi coloris I.} propoſita; ubi ait, Μόνον δὲ μάλιστα ^{coloris I.} ἢ μᾶλλον οὐ ζώων ἀνθρώπου, πολὺ χεῖρ ^{ridum,} τὴν

πὲ ὁμοιότητι ὅτι τῶν δ' ἄλλων, ἐν εἰδῶ.

Homines enim magis indole, temperie, & vitæ ratione differunt, quàm cætera animalia; quæ uno ferè & simplici victu perfruntur. Hinc qui præfervidæ sunt indolis Iridem (ab adustâ nimis & torridâ sanguinis parte huc copiosius advectâ) nigram obtinent; uti in iis, qui intra Tropicos degunt, præsertim appareat: cùm interim *Germani, Angli, &c.* Borea es terræ partes incolentes (in quibus sc. hæc pars uveæ à debiliori calore minùs excoquitur) Oculis ut plurimum cæsiis potiantur.

7. Ratio
particulari.

Hæc ratio diversi coloris Iridum in genere statuatur; arduum verò est, causam afferre, cur in individuis quibusdam (& præsertim inter homines) hæc potius tunicæ uveæ pars in formam tam concinnam & variegatam assurgit. Pulcherrima sanè hæc quæstio à nemine hæcte-

De Membranis sive Tunicis. 21

hactenus (ob reconditam Colorum naturam) satis discussa conjecturæ locum & veniam concedit. Supponendum itaque est tunicam uveam (quæ, ut superius dictum est, ab interiori nervi optici cortice producitur) versus partes suas extremas (sive Iridem) in filamenta tenuissima, diversimodè hîc illîc (uti in illo ferè serici confecti genere, quod *Nostrates* ad morem *Italorum Tabby* appellant) extantia, transire; quæ materiam lucidam, à diversâ reflexione, in tales colores *undatim* disponunt: (an verò secundùm clariss. *Cartesii* vel ingeniosiss. *D. Newtoni* hypothesein, præter instituti nostri rationem est hîc loci disquirere.

Quod interim hæc dispositio colorifica à subtilissimâ filamentorum Iridis texturâ dependet, per analogiam cum aliis phænomenis factam compareat. Hâc enim ratione sericum album, per microscopium,

copium, conspectum, varios colores prodit; dum lintheum ejusdem coloris vel papyrus albissima (utpote è compage crassiori composita) eisdem dilucidè non reflectunt: Eodem ritu avium plumæ (versus subtiles earum extremitates) & purissima plantarum germina seu flosculi colores aliquando pulcherrimos repræsentant. Hoc modo etiam videtur, quòd in aquæ bullâ inflatâ colores (instar Iridis) versus summitatem magis conspicui apparent; eò quod ejusdem pars suprema tenuior sit (utpote primò ab aere disrupta) cùm interim partes crassiores versus fundum subsistant.

9. *Ligamentum ciliare.*

*Inspic.
fig. 7.*

Pars altera tunicæ uveæ, è fibris motricibus pectinatim dispositis constans, dicitur *ligamentum ciliare*; quod humori crySTALLINO incumbens eum (pro re natâ) dilatat vel constringit: adeò ut motum

De Membranis five Tunicis. 23

tum branchiarum in piscibus recipi-
procum quadantenus æmuletur.

E circulari tunicæ uveæ, hoc ritu ^{10. Pupilla.}
duplicatæ, limbo pupilla efforma-
tur; quæ contrahitur aut dilatatur
(prout usus exigit) ut in felibus, &
nobis ad nivem aspicientibus, ma-
nifestum est.

Reciproco sanè huic motui pu-
pillæ stellarum scintillatio quodam-
modò deberi potest; quatenus
hinc radii stellæ laterales (qui à
limbo exteriori, tanquam totidem
puncta lucida sub angulo insensibili
proveniunt) nunc longiores, nunc
breviores apparent, & tremulo
more vibrari observantur.

Motus hic pupillæ spiritibus a- ^{11. Ejus-}
nimalibus fibras ligamenti ciliaris ^{dem Mo-}
replentibus ut plurimum debetur;
ita ut hæc ve suis humorem cry-
stallinum contractis, Pupilla dilata-
tur; iisdem verò protensis, vicissim

24 *De Membranis sive Tunicis.*

contrahitur. Hinc forsan dum oculos fursùm attollimus (qua tenùs eâ ratione nervus opticus contra propensionem suam naturalem torquetur, & debitus inde spirituum, ad has fibras contrahendas, affluxus impeditur) pupilla ritè dilatari nequit; adeò ut tunc temporis radios pauciores admittat.

Et hæc mihi videtur ratio, cur
12. astra apparent majora prope horizontem quàm in locis meridianis: quod non contingit (uti vulgò dicitur) à radiorum refractione per vapores juxta superficiem terræ dispositos; (cùm, ut ab hodiernis Astronomis observatur, angulus, qui astri magnitudinem per instrumenta sua metitur, semper idem sit, sive stella in loco meridiano, vel prope horizontem existat) quin potius ex eo pendet, quod spirituum influxus ad pupillam ritè dilatandam & radios quosdam stellæ laterales ad-
mit-

De Membranis sive Tunicis. 25

mittendos necessarius à prædictâ
Oculi positione inhibetur. Eâdem
forſan de cauſâ illi qui in templi
faſtigio, vel ſitu altiori, poſiti ſunt,
minores apparent aliis in loco infe-
riori confidentibus, quàm hi illis;
uti ab inſignis. *Verulamio* noſtro
(*Experiment. 5. Cent. 3. Nat.*
Hift.) obſervatur,

Tunica tertia dicitur *retiformis* ^{13. Tu-}
è fibris medullaribus compoſita, in- ^{nica reti-}
ter quas & cerebrum maximum ^{formis.}
commercium exerceri ſupponimus,
(quibus nempè profundius læſis,
Symptomata interdum lethalia ce-
rebro inferuntur;) adeò ut Retina
primarium viſionis organon meritò
ſtatuatur. Nec enim humor cry-
ſtallinus, quem radii plurimùm re-
fracti pertranſeunt; nec tunica cho-
roides (ſecundùm alios) huic u-
ſui ullatenùs inſervire poſſunt. Hæc
enim pars (utpote è piâ meninge
exorta) nequit cerebri medulla,
quod

26 *De Membranis five Tunicis.*

quod neutiquam attingit, radiorum impressiones communicare: quod interim munus à fibris retinæ medullaribus optimè peragitur.

Objectiones interim quæ huic: sententiæ repugnant, facilè diluantur. Primò enim aiunt, quod retina radios debito more non sistit, dum (uti compertum est) colores tunicæ choroeideos transmittit: Secundò, Quòd mucosa & lenta ejusdem substantia, ad vividas lucis impressiones recipiendas, vel aliò deferendas, apta esse non videtur. Ad prius argumentum verò respondeo, quòd licet hi colores per fibrarum interstitia tranfluant, ipsas tamen fibras non adeò permeant (præsertim versus nervi Optici exitum, ubi densius agglomerantur) quin hæ (ferè instar chartæ purissimæ & diaphanæ) ad sistendas species sufficiant. Objectio secunda, facilè refellitur ex eo quòd tunica retiformis ejusdem substantiæ
cum

De Membranis sive Tunicis: 27

cum cerebro existat; quod tamen ad omnes objectorum impressiones tam retinendas quàm aliò deferendas idoneum esse reperitur. Supponimus itaque quod radii lucidi in tenella, seu mucosa hujus tuniculæ filamenta altius penetrantes spiritus animales contentos intimè afficiunt, & cum iisdem veluti commiscuntur. Omnis verò dubitandi ansa tollitur per vulgare illud experimentum in Oculo bovino recens extracto institutum; ubi sola retina (exceptâ nempe eâ parte sclerodis, quæ pupillæ regioni obversatur) objectorum imagines in fundo Oculi depictas repræsentat.

Hæ fibræ tunicæ reticularis à 14. *Eiusdem fibræ in pupillam commigrantes.* fundo Oculi ad ligamentum usque ciliare protenduntur, ut spiritus eisdem ad modum suum continuandum impertiant; quas comitantur (eundem forsan in finem) plurimæ arteriolæ valdè conspicuæ, si *vid. fig. 7.* Soli

28 De Membranis sive Tunicis.

Soli exponantur. Et sicut radii coni refracti à diversis partibus profecti tandem in apice coeunt ; ità prædictæ fibræ ad nervi Optici exitum papillam quandam (per litteram F in fig. 2. designatam) efformant.

15. Juxta hanc papillam visio objecti perfectissima forsan oriatur, quatenus radiorum impressiones indè immediatè ad cerebrum propagantur : Nec enim rationes à Clariss. *Mariotto* allatæ me in sententiam contrariam deflectant. Primò enim certissimum est, quòd in omnibus Oculis humanis (quos saltem mihi dissecare contigit) nervus Opticus pupillæ è diametro opponitur, adeò ut radii, in visione objecti directâ, in hanc partem necessariò incidant. Secundò, Quòd experimentum à doctis. illo viro *Parisis* institutum contrarium non evincit. Suppona-

*Inspic.
fig. 5.*

De Membranis sive Tunicis. 29

ponamus enim secundum D. *Picardum* (qui hoc experimentum ulterius illustravit) chartæ albissimæ particulam (per literam A in fig. 4. denotatam) muro affigi, ad cuius latus dextrum & sinistrum duæ aliæ chartulæ B, C, duos circiter pedes à priori distantes, apponantur. Quo facto, si quis è regione chartæ A ad distantiam 9 vel 10 pedum consistat, & collocatam inter utrumque Oculum (circa D) digiti extremitatem intueatur, chartam A evanescere advertet. Quod ut mihi videtur ex eo contingit, quòd neutri axes Optici eidem obversentur, dum digiti extremitas D inspicitur : Oculus enim dexter F chartulæ B directè opponitur, uti etiam sinister E chartulæ C obversatur; hinc enim hæ duæ usque apparent, licet eodem tempore charta A evanescat.

Hoc

30 *De Membranis sive Tunicis.*

16. Hoc interim statuendum est, quòd licet fibræ tunicæ retiformis (circa prædictam papillam) in unum quasi fasciculum colligantur, ubivis tamen, uti in nervo Optico, distinctæ manent; (uti in retinâ bovinâ aquæ tepidæ, in vase vitreo contentæ, impositâ & leviter agitâ manifestum est; quæ inde Soli obversa tenuissimæ Sindonis filamenta elegantissimè refert) adeò ut diversis objecti punctis totidem distinctæ fibræ respondeant, quæ inde partium situm exactè repræsentant. Sic enim objecti alicujus ab Oculis remotiorem percipimus, licet idem semper in lineâ rectâ à nobis recedat, quoniam hâc ratione axes Optici minùs perpetuò ad se invicem inclinant, indèque Oculorum figura & positio mutantur; quò fit, ut radii à prædicto objecto provenientes nova retinæ filamenta

De Membranis sive Tunicis.

31

lamenta successivè feriant, quæ in
diversis admodùm Cerebri parti-
bus terminantur.

CAP.



CAP. IV.

De Humoribus.

1. **P**erspectis Oculi tunicis proximè ad ejusdem penetralia, perspicuas sc. illas lucis transfennas, sive humores properemus.

2. *Humorum numerus & differentia.* Illi verò sunt tres quantitate & consistentiâ (pro variâ radiorum refractione ab Opticis uberius explicatâ) discrepantes. Humor enim crystallinus, quoad pondus, aqueum bis excedit, qui interim à vitreo plusquàm duodecies superatur; uti porrò quoad gradus densitatis crystallinus humorem vitreum ter, aqueum verò decies videtur superare.

De Humoribus.

13

superare. Causa verò tam diversæ densitatis à nemine hætenùs (quod novi) assignatur; probabile tamen est humorem aqueum à sanguine, reliquos verò à superfluo nervi Optici humore nutritio derivari. Hi enim, cochlearis ope, prunis aut lucernæ diutiùs impositi *gelatinam* quandam exhibent; ubi interim humor aqueus penitus evaporat.

Supponimus itaque quod in foetu *Ratio di-*
humor crystallinus primò sub for- *versæ eo-*
mâ *guttulæ roscidæ* è Nervo Op- *rum den-*
tico in oculi cavitatem (pariter ac *sitatis.*
Orum è cæco tubæ Fallopiianæ ductu in uterum) delabatur; quæ à cambio nervi lentè distillanti aucta in formam humoris crystallini faceffit: Postea verò succus nervi nutritius (fætu ferè perfectè formato) uberiori copiâ forsan ad oculi fundum devolvitur, & in vitrei humoris nutrimentum cedit:

Humor aqueus, sive anterior, 3. Humor
D maxime aqueus.

De Humoribus.

maximè pupillæ motui & radio-
rum temperationi inservit : Hinc ex
humoris hujus defectu in senibus
(& adultis præservidi tempera-
menti) visionis munus non ritè
peragitur. Una enim debita re-
fractio eo modo deficit, quam
conspicillorum usus solet compen-
sare. Quum verò hic humor ex
accidenti reparatur (ut in defluxio-
nibus aliquandò contingat) hinc,
imminutis hisce humorum de-
viis, senes illi pristino interdum
visûs acumine redonentur. Novus
enim septuagenarius, qui, cum per
decennium ferè conspicilla usur-
passet, tandem (dum ab incautâ
ad fenestram lectione, tempore
hyemali, frigus suscepit) tali hu-
morum defluxione correptus est,
ut objecta ad distantiam 3 pedum
dignoscere nequiret. Huic itaque
malo vesicatorii & collyrii appli-
catione, atque aliis medicamentis
internè assumptis occurrens, de-
fluxio-

fluxionis materiam minuit, & densa humorum nubila ex parte discussit; adeò ut jam per 6 annos, conspici-
cillis sepositis, vel minimos in li-
bro characteres legat: cujus causa
proculdubiò augmento cuidam hu-
jus humoris tribuenda est.

In hoc humore aliquandò suffu-
siones, ut in morbo icterico, &
cataractæ (à crassis & viscidis hu-
moribus hîc loci aggestis) con-
tingunt; & aliquandò cæcitas incu-
rabilis ab incauto Cinguli Mercu-
rialis usu & salivatione imperfectâ;
quò fit, ut nimia feri colluvies
ad hanc partem devolvatur.

Humor intermedius, sive cry-
stallinus, ^{5. Cry-}ligamento ciliari cinctus ^{stallinus.}
in vitrei humoris sinu blandé re-
cumbit; ità verò ut in centro O-
culi non sit exactè sita, quin ad
pupillam propiùs vergit, quo plu-
res radios obliquè incidentes exci-
piat.

*Inspic.
fig. 5.*

piat. Ejusdem pars antica in homine & quadrupedibus segmentum majoris ellipseos refert, dum interim postica minoris segmentum æmulatur; quò fiat, ut radii permeantes eatenus collecti more debito in retinam commigrent: in piscibus verò hujus humoris figura globosior est, ut radios eò magis refringeret, qui humorem aqueum, seu medium ejusdem densitatis, transeuntes debitam aliter refractionem non subirent.

*Fundam.
optic. lib.
3. part. 2.
cap. 13.*

A pressione hujus humoris (ut opinatur *Scheinerus*) lux illa in tenebris elicitur; licet explicatu arduum sit quo modo hic humor circumfluis humoribus munitus comprimeretur, vel adeò pressus figuram pristinam (utpote è glutinosâ substantiâ compositus) recuperaret. Quinetiam observatu dignum est, quòd pressio illa versus Oculi fundum, sive ultra humoris

moris crySTALLINI regionem, fieri
 debet; quo melius prædicta lu-
 cula appareat: unde nec Clariss.^{Parali-}
 Kepleri sententiæ assentiri possum,^{pom. in}
 qui asserit spiritus animales hoc^{vitell.}
 ritu ex Iridis filamentis attritis eo-^{cap. 5.}
 dem modo elici, quo per frictio-
 nem è felium dorsis hirsutis excu-
 tiuntur; cùm interim lux aliquan-
 dō nullâ pressione adhibitâ (à
 strenuâ sc. narium in tenebris e-
 munção) ex Oculis eliciatur.
 Probabile itaque est phænomen-
 non prædictum à contorsione fi-
 brarum tunicæ retiformis potissi-
 mùm oriri; unde spiritus animales
 à novâ hâc & vividâ vibratione,
 sicuti à lucis radiis, afficiuntur. Eâ-
 dem forsan ratione felium Oculi in
 tenebris à magnâ spirituum quan-
 titate & motu rapidiori lucent; &
 in viris quibusdam, ad iram im-
 modicè propensis, hæc spirituum
 animalium vibratio sæpius obser-
 vatur. Sic enim *Cæsar* (lib. I.

de bell. Gallic.) ait Gallos dix-
 'isse, sese, sapenumero cum militi-
 'bus Germanis congressos, nè aciem
 'quidem Oculorum ferre potuisse.
 A spirituum nempe, in certamine
 præliari, excandescentiâ Oculi hoc
 ritu scintillarunt, & insignem fu-
 turæ victoriæ facem prætulere.

6. *Figura.*

Humoris crystallini figura va-
 riat in diversis hominibus, adeò
 ut senes hunc humorem nimis de-
 pressum & imminutum habeant;
 unde radii non satis refringuntur:
 Myopes verò vitio contrario labo-
 rant, quatenus humorem crystal-
 linum nimis globosum obtinent,
 & forsàn (quoad consistentiam)
 densiorem seu compactiorem, qui
 inde difficultè admodum attenua-
 tur aut absimitur, adeò ut hi ipsâ
 senili ætate conspicillis haud indi-
 geant.

7. *Vitrous*

Tertius, seu postremus, Oculi
 humor

humor vitreus nuncupatur; qui cæteros insigni modo superat: adeo ut Oculi fundum repleat & membranas egregiè distendat. Hic humor, ut modò dictum est, ab uberi succi nervosi copiâ (præsertim in adultis) enutritur, indèque semel amissus ab externis remediis (quicquid è contra fingit *Kerckringius* in *Spicileg. Anatom.* p. 198.) nunquam reparetur.

Humor verò aqueus, utpote è sanguine progenitus, faciliùs forsan (tunicæ corneæ vulnere detergen-
 tium & adstringentium ope priùs obducto) processu temporis in-
 stauretur, si modò vera sint, quæ de *ulmi* & *chelidonii* viribus apud
 Authores prædicantur.

Consul.

Schott.

prælus.

Opt. Ar-

tic. 7.

C

Raii Ca-

tal. plant.

Cantab.

pag. 179.

A refractione radiorum, hos tres humores transeuntium, visionis minus potissimùm dependet; quod eò melius peragitur quando hi purissimi & summè diaphani exi-

8. Humo-

rum usus.

stunt: cùm verò à copioso nimis particularum heterogenearum affluxu inquinantur (ut ab ebrietate & vini ardentioris potu contingat) necesse est, ut Oculorum acies obtundatur.



CAP. V.

*De Arteriis, Venis, & Nervis;
item de motu spirituum ani-
malium.*

OCulus multiplici vasorum se-^{1. Oculi}
rie instruitur, quæ nutri-^{vasa.}
tioni, motui, & sensui inserviunt:
Hæc verò sunt arteriæ, venæ,
nervi optici, motorii, & pathetici.

Arteriæ, quæ nutrimentum par-^{2. Arteriae}
tibus suppeditant, à Carotidum u-^{ria.}
trinque ramis oriuntur; qui ad O-
culum deflexi propagines ejusdem
musculis, adipi, & membranis (in
felibus & viverris satis conspicuas)
imper-

42 De Arteriis, Venis, & Nervis;

Vena.

Vid. fig.
7.

impertiunt. His respondent totidem venæ, tam externæ quàm internæ, à magnis jugularium ramis prodeunt; quarum hæ minutissimos furculos retinæ impendunt, illæ nervi Optici fibrillas (tunicæ sclerodi insertas) comitatæ, propagines innumeras Oculi albo immittunt: unde forsan in Epilepticis (hoc nervo in spasmodum actō & variè contorto) hæ venæ, à sanguinis circuitu impedito, distentæ, summam aliquando rubedinem Oculis inducunt.

Nervi Optici.

Nervi Optici juxta corpora striata egressi, indèque in transitu uniti, ab invicem statim discedunt; & tunicæ sclerodi fibrillas plurimas elargiuntur. Insignis sunt magnitudinis & fibris quamplurimis à tertio nervorum pari (ut ait Clariss. *Willisius*) donantur; quò magis per vices ampliari possint, & uberior spirituum penus Oculo in visione subministretur.

Lib. de
Cer. A-
nat. c. 21.

Con-

item de motu spirituum, &c. 43.

Constant ex duabus tunicis (quæ ab utrîsque Cerebri meningibus^{4.} *vid. fig. 2.* prodeunt) & medullâ seu fibris; quæ ordinatâ serie ad Oculi fundum & sclerodem deferuntur. Fatemur interim fibras hæc medullares, circa nervorum unionem, visum effugere: easdem utcunque distincto ordine à cerebro deferri supponimus; uti in porcis appareat, & ex observatione Clariss. *Vesalii* (cap. 4. lib. 4. de Corp. Human. Fabric.) manifestum est. Ille enim ait
“*se in muliere Patavii dissectâ (cui dexter Oculus ab infantiâ emarcuerat, sinistro interim integerrimo) invenisse dextrum nervum toto progressu, ab exortu ejus in cerebro, sinistro longè tenuiorem.*
Hæ sunt spirituum & succi nutritii semitæ; quibus ex parte interceptis, puncta nigricantia, secundum *Insignis*. * *Willisium* nostrum, in Oculis oriuntur: si verò penitus obstruantur, gutta serena,^{* Lib. de Cereb. Anatom. cap. 21.}

44 *De Arteriis, Venis, & Nervis;*

rena, seu totalis luminis eclipsis infertur.

s. Motorii. Nervi motorii propè infundibulum (illam ἐγκεφαλικήν sentinam) oriuntur; unde forsan in phlegmaticis & viris hebetioris indolis, quorum cerebra majorem aquei humoris copiam hìc loci congerunt, Oculorum vibrationes parùm celeres aut vividæ observantur; eò quod hi nervi nimiam feri colluvie onusti, ad motum ineptiores evadunt. Quum verò hi nervi à fero acri hìc loci aggesto irritantur, Oculi Spasms levioribus obnoxii appareant. Juvenis sanè ingenuus, hujus Academiæ alumnus, per semestrem ferè spatium (ut à Viro curioso & artis pictoriæ perito accepi) Oculo convulsivo per vices laborans tandèm sub Autumni novissimi finem vomitu & levi vertigine correptus est. Exhibito itaq; priùs vomitorio, & julapio Cephalico propinato, sanguis è venarum jugula.

gularium ramis, hirudinum suctu, detractus est. A quibus remediis per 3 aut 4 dies æger prædictis symptomatis immunis perstitit; & magna quidem curationis spes amicis affulsit. Postea verò sine causâ evidenti recidivam passus, jupia sudorifica, cephalica, &c. assumpsit; quæ tamen nè hilum profuere, adeò ut morbus hic nullis herbis medicabilis evasit; quin miserrimus Juvenis delirio, item narium & labiorum spasmis per triduum exercitus, tandem convulsivus interiit. Aperto itaque cranio, circa *glandula pituitariæ* sedem, & nervorum omnium (præterquam olfactoriorum) exortum, item in ventriculis, magnam feri subfalsi, & prasino colore tincti, copiam reperi; quæ spasmos proculdubio prædictos induxit. Quatenus verò acris hæc materia primò *guttatim* tantum vel exiguâ copiam infundibulum pertransiit; hinc

46 De Arteriis, Venis, & Nervis;

hinc nervos obiter motorios & appensos musculos in spasmos leviores, per vices, forsan incitavit.

6.

*Lib. de
Cereb.
Anat.
cap. 21.*

*Ratio
motus
muscula-
ris in
oculis.*

Hi nervi per Oculorum musculos (attollentem sc. deprimentem, adducentem, & obliquum inferiorem) disseminantur; & in bove (uti observavit Clariss. *Willisius*) reliquis duobus ramulos impendunt. Observatu enim dignum est, quòd ab uno nervo totidem diversi motus in Oculo peraguntur (ut 4 digiti ab eodem musculo perforante commoventur) quatenus ejusdem chordæ, seu fibræ, è cranio egressæ totidem distinctis partibus prospiciunt. Supponendum interim est totum nervi corpus, & prædictas fibras, perenni spirituosæ materiæ influxu irrigari; unde appensi muscoli, per se, æquali virtute pollent: cùm verò animæ imperio, vel quâcunque de

de causâ, exigua hujus succi spirituosæ quantitas in unam potius quàm aliam fibram propellitur, statim illa (vicinas fibras premens, & earum penum ex parte præpediens) appensum musculum ad se trahit, & antagonistam suum superat; quemadmodum vel minimum pondus bilanci, in æquilibrio positæ, superadditum eidem motum statim impertibit. Sicut enim aliquandò in sternutatione ad Solis aspectum, è levissimo *materiæ subtilioris* accessu motus à nervis initur; quatenus hinc particulae quædam acres narium cavernis inclusæ rarescunt, & paris quinti fibrillas, quasi aculeis, excitant: ita forsan ubi vel minima spirituum copia (ceu liquor ab embolo syringæ) in fibras musculi propellitur, iisdemve levissimè inspergitur, statim hæ ad motum concitantur. Supponimus enim quòd licet spiritus animales versus primos

48 De Arteriis, Venis, & Nervis;

primos eorum fontes (præsertim in corpore sano) exigua vel nullâ forsan *acredine* præditi sint, à crebrâ verò in angustis nervorum fistulis agitatione paululùm exa-
cuantur; indèq; in fibras musculares per vices impulsî easdem statim contrahant, & spiritus illic hospitantes ad motus suos peragendos instigent; nec sanè aliâ ratione viscera, ad munia sua ritè obeunda, extimulent, vel excrementitii humoris expulsionem moliantur.

7. Quæ interim opinio placido huic Oculorum motui magis congruere videtur, quàm violenta spirituum explosio, vel fermentatio illa à nervei & sanguinei liquoris mixtione orta: qui duo modi corporis motui (in statu sano constituti) proculdubiò adversantur.

Nervus

Nervus patheticus musculo trochleari inferitur; quem in passionibus amoris & pudicitiae, ad angulum Oculi internum torquet, adeoque *languentem* (uti dicimus) *aspectum* inducit.

8. Nervus patheticus.

Motus spirituum animalium in musculos & nervum Opticum blandus & æquabilis efficit, ut res distinctè à nobis apprehendantur: ubi verò (ut in ebriis & maniacis) inæquali motu & desultorio cientur, statim confusa admodum rerum phantasmata in nobis producantur. Ab eadem causâ dependet alteratio illa à *primo Nicotiana haustu*, & *navigatione*; quatenus spiritus in motum inusitatum & præruptum concitantur, adeoque musculos in varias partes contorquent, & radios ab objectis provenientes, modo instabili, nunc

9. Motus spirituum animalium in oculis.

E in

50 *De Arteriis, Venis, & Nervis;*
in hæc, nunc in illa retinæ fila-
menta vibrant.

10. Quòd verò prædicti effectus
spirituum animalium motui potif-
simùm debentur, ab experimento
vulgari innotescat. A corpore e-
nìm circumgyrato (sive oculi in-
tereà aperti sint, sive sint clausi))
omnia objecta circa nos posita,,
reclusis statim palpebris, videntur
in orbem moveri, eodémq; more
circumacta aliquandiu apparent,,
etiã si hæc corporis agitatio nom-
ulteriùs continuetur: eò quòd spi-
ritus animales (utpote corpora
fluida) hoc motu correpti instar
aquæ se habent, quæ in vase cir-
cum rotata plures exinde, licet vas
quiescat, circuitus absolveret. Sup-
ponimus enìm in hâc corporis cir-
cumgyratione spiritus animales tam
cerebrum quàm cerebellum inco-
lentes motu eodem tornatili affici :
adeo

item de motu spirituum, &c. 51

adeò ut à directo, in medullam spinalem & nervos appensos cruciales, *influxu* detorqueantur: unde hi debitâ suâ & consuetâ penu (ab interruptâ spirituum serie seu filo) destituti corporis molem sustinere non valeant, quò minùs in terram prolabatur. Postea verò ubi spiritus ordines priores & series resumunt vertigo penitus cessat, & functio motiva denuò exercetur.

A totâ ferè animâ corporeâ, seu II.
spirituum animalium congerie, hoc ritu affectâ *distinctum aliquod Principium* nobis inesse appareat; quod diviniore auræ particeps in imaginationem nostram imperium exercet.

Undè aliter fit, quòd vel ipsi pueri hanc corporis circumgyrationem inter ludicra ponunt; & dum scenam hanc versatilem intuentur,

E 2 tur,

52 De Arteriis, Venis, & Nervis;

tur, irridet eodem momento delusam imaginationem, & conscii sunt, vel in illâ ætate, principii alicujus, quod imaginationis errores (eo ipso tempore quo *omni-*
modè afficitur) more debito redarguit.

12.
Quantitas.

Sicut verò motûs, ità etiam debita spirituum animalium quantitas (quâ tunicæ Oculi ritè tensæ, & visioni accomodæ conserventur) proculdubiò requiritur ad Objecti sensationem meliùs producendam. Hinc quorum Oculi magnâ spirituum animalium penu replentur, optimè vident: quorum defectu senes versus crepusculum (propter flaccidam tunicarum indolem) malè objecta distinguunt; dum interim Juvenes eadem sat benè dignoscunt, quatenùs eorum Oculi perenni spirituum animalium copiâ inflentur.
Propter

Propter eandem rationem *feles* & *equi* Oculorum membranas optimè distentas obtinent; ut vel minimas lucis impressiones persentiscant. Calida enim hæc animantia magnâ spirituum quantitate donantur; ut à flammulis, (quæ aliquandò in horum iubis à sudoribus nocturnis, & in illorum dorsis, à frictione, apparent) manifestum est. Virum sanè calidæ indolis novi in comitatu *Bedfordiensi* degentem, qui Oculis hisce felineis (quales etiam *Tiberius Cæsar* habuisse dicitur) donatus est; adeò ut epistolam ab intimo amico conscriptam mirè admodùm in loco obscuro (ubi eadem mihi vix apparuit) perlegit. Hujus verò Oculi, (nisi quòd pupillas insigniores obtinuerunt) ab aliorum formatione neutiquàm discrepabant: Supponimus verò eorundem membranas tenellas admodùm, & sen-

Plin. Nat hist. lib. II. cap. 37.

54 *De Arteriis, Venis, & Nervis;*
 files extitisse; quas porrò ingens
 φωνηδὲς εἰς αἰσῶς seu spirituum anima-
 lium copia proculdubiò irradiavit,
 ut præter morem solitum vel mi-
 nimâ lucis impressione afficeren-
 tur.

13. Pro-
 portio in-
 ter Spiri-
 tum &
 radiorum
 motum.

Præter motum debitum, & præ-
 dictam spirituum animalium quan-
 titatem, certa quædam proportio,
 seu *analogia* inter spirituum & ra-
 diorum, ab objecto profluentium,
 motum (ad perfectam visionem)
 proculdubiò requiritur. Dum e-
 nim radiorum vibrationes spiri-
 tum animalium motui præpol-
 lent, visionis munus non ritè ex-
 ercetur. Hinc sanè è loco obscuro
 egressi lucis radios ægrè intuemur,
 quatenus spiritus animales tardiùs
 & remissiùs in tenebris agitati, ra-
 diorum impetum statim sustinere
 nequeunt; donec recollectis vi-
 ribus, *more quodam elastico*, resi-
 liunt,

liunt, & à prædictis forsan radiis in motum rapidiorem concitantur. Quantum sanè *materia ætherea* spiritus animales afficit, ex *avibus Numidicis, leonibus, & tauris* constet; quos colores *rubri* summè interdùm efferant; eò quòd hinc lucis radii motu rapidiore retorti spiritus animales præter morem solitum exagitant. Colores interùm *virides* aut *cærulei*, qui materiam lucidam modicè reflectunt, visum reficere & spiritus animales quasi demulcere videntur; quoniam hinc inter utrosq; debitum quoddam *æquilibrium* servatur: Quod verò ab aspectu ad nivem & alia corpora *alba* destruitur, quatenùs hinc nimia radiorum copia ab infinitis eorundem superficieculis ad oculos reflectuntur. Eâdem ferè ratione contingit, quòd foco propiùs assidentes in tonnum proclives evadimus; quate-

36 *De Arteriis, Venis, & Nervis;*
nūs spiritus animales à præpotenti
particularum ignearum impetu pro-
fligati, in cerebri meditullium ex-
indè adiguntur.

14. Hæc omnia ab improporportionato
radiatorum lucidorum motu contin-
gunt: interdum verò ex parte spi-
rituum animalium (dum sc. hi su-
pra modum agitantur) visionis
actio impeditur. Ità sanè locum
umbratilem ingressi objecta nequa-
quàm cernimus, usque dum mo-
tus spirituum animalium gradus a-
liquot velocitatis suæ amittat, &
radiatorum impulsui aliquatenus ce-
dat. Idem ferè contingit ab a-
spectu ad Solem, quum radiatorum
lucidorum actio adeò spiritus ani-
males exercet, ut statim impressio-
nes objectorum debiliores eosdem
ægrè afficiant.

Quinetiam à prædictæ analogiæ
defectum

item de motu spirituum, &c.

57

defectu nec astrorum nec umbræ
gnomonis motus nobis compare-
ant; neque ex alia parte glandis
è bombardâ explosæ, aut titionis
accensæ & circumactæ, motum
satis assequamur.

CAP.



CAP. VI.

De Glandulis, & vasis lymphaticis.

DElineatâ jam partium Oculi ichnographiâ, superest ut, paucula de ejusdem appendicibus, glandulis sc. & vasis lymphaticis, adjiciamus. Quæ licet, propriè loquendo, sint tantùm partes Oculo conterminæ; dum verò insignem usum eidem præstant hæc emunctoria, & concinnâ admodum structurâ efformantur, hîc loci examinationem particularem exposcunt.

In

De Glandulis, & Vasis, &c. 59

In utrâque parte Oculi laterali
recumbit glandula; una in angulo
interno sita, ab Anatomicis la-
chrymalis improprie dicta, cum
(quod Clariss. *Whartonus* de u-
trisque supponit, rectius verò huic
competit) nè vicesimam lachry-
marum partem suppeditet. Ex hâc
verò 2 vel 3 vasa, in palpebræ
partem interiorem desinentia, lym-
pham recipiunt; quæ indè in duos
meatus, seu puncta lachrymalia,
& canaliculum à Clariss. *Stenone*
in narium osse repertum devolvi-
tur: Unde in fletu humor aliquan-
do è naso extillat, & à pulvere
oculis illapso per nasi emunctio-
nem interdum liberamur.

Alia glandula (à quibusdam
innominata, lachrymalis verò pro-
prie dicta) in angulo externo re-
conditur; quæ conglomerata est,
five è pluribus lobis componitur,
qui fig. 8.

qui exiles vasorum lymphaticorum propagines tunicæ adnatæ subministrant.

4. Earum
vasa.

1. Arteriae.

Modus
separationis
lymphæ.

Vasa hisce glandulis adrepentia sunt primò, Arteriæ à Carotidum ramulis ortæ, quæ uberem satîs lymphæ quantitatem hîc loci deponunt; præsertim ubi sanguis (ut in foeminis & infantibus) sero copiosiori abundat, & glandulæ prædictæ compagem laxiorem obtinent. Probabile est interim arterias hæc propagines *minores* & ferè *directas* glandulis impertire; per quas lymphæ (utpote majori motu & fluiditate pollens) è sanguinis sinu elapsa rectà fertur: *maiores* verò & aliquatenus *re-tortos* furculos in venas emittere, per quos sanguis redux divertitur.

Aliter sanè non conjectare licet (siquidem sententia clariss. Stenoniss

nis de directione nervorum, elicitō, Lib. de musc. & gland. p. 48. ut ait, *mentis imperio subjectâ*, in-
certa sit) quo ritu lymphæ sepa-
retur, vel non æquè ac sanguis
per venas reducatur. Nullum e-
nim *fermentum lixiviale* (quale
renibus inesse alii supponunt) hîc
loci reperitur; nec quidem la-
chrymarum falsedo ab aliis causis,
quàm à diuturnâ illâ lymphæ (quâ
acescit) in glandulis morâ, & spi-
rituum forsan effœtorum reliquiis
illic depositis deducenda est.

Vasa reliqua sunt 2. Venæ à 3.
jugularibus delatæ; quæ sangui-
nem (à sero more prædicto sepa-
ratum) reducunt. 3. Nervi à 3. Nervi,
quinto nervorum pari oriundi, qui
non secundum Insignis. Whart- Cap. 26. lib. de gland.
num lachrymarum fontem augment;
quin potius glandularum, & vaso-
rum appensorum, irritationi infer-
vire videntur: quo meliùs contenti
humor-

*Horum
usus.*

humores foris expellantur. Spiritus enim animales per hos nervos delati nec motui nec sensui inserviunt; usum verò aliquem proculdubiò præstant: has nempe partes sæpiùs impellendo, verberando, & irritando expulsionem humoris excrementitii (quam alii *facultati expultrici* malè attribuunt) perpetuò moliuntur.

3. In passionibus itaque gaudii repentini, vel mæstitiæ (uti Clariss. *Willisius* noster ostendit) hic nervus, propter communionem illam cum nervo intercostali, spasmo affectus glandulas premit, & contentam lympham amolitur.

*Lib. de
Cereb. A-
nat. cap.
22.*

Dum enim nervus quinti paris ex unâ parte præcordiis prospicit; ex aliâ verò hisce glandulis, item naribus, palato, & maxillæ superiori ramulos impertit: hinc unâ ejusdem propagine affectâ seu corru-

corrugatâ, alia statim in consensum trahitur. Hinc sanè à titillatione narium & sternutatione, item à sinapeos vel potûs præfervidi aut acrioris assumptione, à risu denique & oscitatione lachrymas emittimus; quatenûs una nervi prædicti fibra, eo ritu contracta, alias vicinas in eundem spasmum necessariò corripit.

Vasa octo lymphatica à glandulâ posteriori orta in tunicam adnatam desinunt, ibidémque exiguam lymphæ copiam perpetuò deponunt; ut in cæcis quibusdam observetur: adeò ut si glandula prædicta ab acri quovis humore erodatur, Epiphora, sive stillicidium perenne, inducitur, quod à decocto Guaiaci, Chinæ, &c. (præmissis universalibus) interdum (uti novi) immunitur; (quatenûs hinc serum superfluum per transpirationem

7. Vasa lymphatica.

Inspic. fig. 8.

tionem aliò amandatur, indèque fons prædictus exarefcit,) fed rarò admodùm perfectam curationem admittit.

3. *Lachrymarum fontes.*

Vid. fig. 3.

Lymphæ usus primarius.

Horum vasorum oscula anteriori tunicæ adnatæ regioni prospiciunt; quæ inde, cùm à corticis aurantii pressi, cepæ incisæ, aut aliorum corporum (quæ fale volatili abundant) effluviis irritantur, lympham suam statim exonerant & lachrymas effundunt. Hujus verò lymphæ usus major est, quàm ut lachrymarum fontem solummodò enutriet: Probabile enim est perennem hujus humoris scaturiginem (ut superius Cap. 3. memoratum est) Oculos & cilia alluere, & ad eorundem motum & nitorem maxime conferre. Membrana enim cornea hoc humore, noctu præfertim, perfusa magis nitida & polita

polita evadit; adeò ut (instar vitri convexi) radios lucis reflectat: sicuti ex icunculâ illâ, ab ejusdem superficie reflexâ, liquet; quæ humori crySTALLINO neutiquàm debetur, cùm etiam supra Iridis regionem appareat. Quum verò prædictus humor deficit, aut absumitur; ut ex Ophthalmiâ, lectionibus nocturnis & diuturno ad ignem confessu, item à rebus calidis (vino sc. absinthite, &c.) internè assumptis contingat: hinc tunica cornea more debito non turgescit, quin benigno hoc humore destituta in rugas dolorificas sæpiùs contrahitur.

Hic est proculdubiò primarius ^{9. Usus} vasorum lymphaticorum usus; quæ ^{secundarius.} interim secundariò decidenti lachrymarum profluvio, & pathematis nostris exhibendis inservire statuuntur.



CAP. VII.

De variâ Oculi formatione in
diversis Animalibus.

1. *Varia
Oculi
formatio.*

Varietas illa, quæ in Oculorum structurâ (inter corpora hæc subcoelestia) observatur pulchra quidè est & insignis; cum interim *superna lumina* unicâ tantùm & simplici formâ perfruantur. Infinitum verò opus esset sigillatim omnes horum differentias percensere; instituti tamen nostri ratio postulat, ut eorum saltèm hystoriam, ab aliis prætermisam, exordiremur. Enimverò hæc differentia non tantùm inter diversa animalia, quin & inter individua ejusdem speciei aliquandò existit.

Intro

Inter homines proculdubiò licet Oculi (quoad affectiones generales) ^{2. In ho-}
 similes sint, tamen quoad peculia-
 rem suam fabricam, vultuum instar,
 discrepant. Nec enim tunicae
 corneae convexitas, nec humorum
 refringentium indoles, neque retinae
 ad impressiones recipiendas aptitu-
 do, nec nervi Optici tonus, nec de-
 nique spirituum animalium motus
 & indoles (qui forsan, *spirituum*
Chymicorum instar, quoad quali-
 tates & operationes suas variant)
 in omnibus ad amussim conveni-
 unt.

Propter hanc Oculorum & spi-
 rituum animalium *idiosyncrasiam*
 diversè aliquando de formâ ejusdem
 sceminæ judicatur; adeóq; homi-
 nes singuli, uti videmus, *modo pe-*
culiari mysticam amoris vim &
 magneticos illectus per sentiunt.

Quod ad cætera spectat animalia, ^{4. In cæ-}
 observatu dignum est eorum Ocu-
 los diversimodè admodum effor-
 mari;

mari ; adèò ut notam quandam propriam , seu *criterion specificum* exhibere videantur.

s. Quoad
tunicæ
corneæ
temperi-
em.

Primò enim quoad tunicæ corneæ indolem diversi gradus *tenuitatis & teneritudinis* occurrunt, quorum minimus forsàn in *Aquilâ* reperitur ; licet hæc volucris (pariter ac *Noctua*) *cartilagine nictitante* gaudet, (uti *Clariss. Gassendus* Cap. 7. lib. 7. Tom. 3. observavit) quam per vices radiis solaribus opponit. Quamvis sanè hæc membrana in plurimis animalibus valdè tenella & sensilis, utpote *tendinea*, existit ; (undè à corrosivis *fumi* aut *salinis saponis*, aquæ admixti, particulis irritata statim in rugas dolorificas contrahitur, & ab ictu levissimo diu plerunq; torquetur) in *Noctuâ* verò, *vespertilione*, *Nycticorace*, &c. proculdubiò majorem in modum à vehementi radiorum vibratione afficitur ; indèq; hæc animantia diurnam lucem ægrè patiun-

patiuntur, (quemadmodum viri
tenellæ constitutionis aeris vices sta-
tîm persentiscunt) cûm interîm
mitiores Lunæ radios facilè susti-
neant.

Pupilla in *homine, cane, fele, &c.* Quoad
multis quadrupedibus, item in ^{pupillæ}
piscibus & volucris circularis est: ^{figuram}
in *bove* autem, *caprâ, equo, ove,*
& quibusdam aliis *elliptica*; ut eò
magis in hisce forsàn animalibus,
quæ pronò incessu victum in agris
quæritant, *radios laterales* ad mala
& incommoda utrinque devitanda
admittat. Ità enîm eorum mus-
culi pinguedine inferciuntur, ut O-
culos statîm in varias partes (ad
morem aliorum animantium) tor-
quere nequeant.

Color *Iridis* (ut superiùs Cap. 3. 7. Quoad
memoratum est) maximè differt: ^{Iridis co-}
^{lorem.}
In *homine* enim, *cane, fele, noctua*
majori, & aliis quibusdam volu-
F 3 cribus;

tribus; item in *piscibus* & *serpentibus* concinnus admodum apparet: in cæteris verò rudi tantum more depingitur; cujus differentia ratio à *diversâ* filamentorum tunicæ uveæ *tenuitate* proculdubio desumenda est.

8. *Quoad musculos.* Musculi in *homine* exigua tantum pinguedine obvoluti sunt, & minores quàm in *vitulis*, *ovibus*, &c. (forsan propter diversum cerebri calorem) existunt; qui porro in brutis hisce à *prono gressu*, & copiosiori materiæ affluxu magis enutriuntur.

9. *Quoad humores.* Humores in *homine*, *fele*, & *cane* summè diaphani apparent: humor verò *crystallinus* admodum exiguus est, habito respectu ad *vitulos*, *oves*, & cætera animantia; quæ *pupillâ ellipticâ* donantur. Supponimus itaq; quòd hic humor in omnibus proportionem ad *pupillam* perpetuò servat. Fundus

Fundus Oculi, five *tunica choro-*^{10.}
oeides, in plurimis quadrupedibus ^{Quoad}
 (propter causas forsan, cap. 3. tra-^{colorem}
 ditas) *diversicolor* apparet; in ^{tunica}
homine interim & *porco*, item in ^{choroei-}
avibus & *piscibus* plerisque; nigra ^{deos,}
 conspicitur: in *Raiâ* verò hæc pars
 colorem *argenteum cæruleo* mixtum
 (concharum instar Orientalium) e-
 leganter repræsentat.

Nervi Optici in *Raiâ* *pisce*,^{II.}
 modo peculiari à cerebri basi orti, ^{Quoad}
 & postea *trochleâ* quâdam commu-^{nervorum}
 niti, separatim ad Oculos deferun-^{opticorum}
 tur; in *homine* verò & *quadruped-*
ibus arctissime (in *piscibus* tamèn
 per *simplicem* solummodò conta-
 ctum) uniuntur: indeq; in *nobis*
 (ut superius, Cap. 3. dictum est) &
 item in *cane*, *fele*, (& in cæteris
 forsan *calidis* animalibus) ad fun-
 dum Oculi delati pupillæ regioni ^{insertio-}
 prospiciunt; dum interim in aliis ^{nem.}
quadrupedibus, uti etiam in *piscibus* ^{Conspic.}
 & ^{fig. 1. &}
 5.

72 De variâ Oculi formatione, &c.

& volucris obliquè semper tunicae sclerodi inferuntur. Unde conjectare proclive est, in nobis & prædictis animalibus sphaeram visionis, præ aliis, ampliorem, & ejusdem actionem perfectiorem existere. Ità enim à supremo rerum Architecto optimè provisum est, ut Creaturæ agiles & summâ perspicaciâ præditæ hoc ritu præstantiori visu perfruantur.

CAP.



CAP. VIII.

De administratione cultri Anatomici in dissectione Oculi.

Perlustratâ demùm Oculi compage & variâ structurâ, superest ut filo Anatomico tyrones in amœnum hunc labyrinthum, & intimiores ejusdem recessus perducamus. I.

Primò verò antequàm Oculi anatome instituat, ejusdem fabrica externa & humorum contentorum, ad visionem peragendam, indoles observentur. Si enim Oculus bovis recens interempti foramini, in velamentis cubiculi clausis factò, vel tubuli extremitati adaptetur; a-2. Experim. de modo visionis.
 imagi-

cap. 5.
Dioptric.

imagines rerum extrà positarum in fundo Oculi apparebunt (ut ostendit Clariss. *Cartesius*) modò, ex ectâ parte illâ tunicæ scleroticæ, quæ pupillæ è diametro opponitur, ovi putamen in locum partis abscissæ substituas. Hæc verò omnia meliùs apparebunt, si Oculum *canis vetuli*, seu potius *Noctua*, luci exponas: in fundo enim hoc ritu objecta conspiciuntur inversa, & dextrorsum mota videntur transire in partes sinistras; item colores varii pulcherrimo spectaculo per scleroticam apparent. Quod experimentum luculentiùs ut mihi videtur, quàm illud *Cartesii*, modum visionis explicat; cùm partes hoc more in situ naturali & integræ conspiciantur.

3.
Modi 4.
in Oculi
dissectio-
ne.

Oculi fabricâ *externâ* & visionis modo ritè perspectis, statim ad eiusdem Anatomen accedas, quæ quatuor hisce modis potissimum peragatur.

Primò

Anatomici in dissectione Oculi. 55

Primò vel more *Cartesiano* se-^{4. Modus}
cundùm axem, tempore brumali,^{primus.}
secetur; cùm Oculus summo gelu^{Cap. 3.}
constrictus humores suos in situ^{Dioptric.}
naturali exhibeat: hoc modo verò^{Vid fig.}
aliæ partes rudi tantum more appa-^{5.}
rent. Vel secundò, Oculus aquæ^{secundus}
ferventi aliquantispèr immergatur,
ut ejusdem tunicæ eò melius ab
invicem separentur: hinc verò
partes nimium corrugatæ naturalem
earum figuram & nitorem deper-
dunt.

Sequuntur duo alii modi, qui dif-
ficultatem aliquando & molestiam
tyronibus afferunt; qui vero inten-
tioni Anatomicæ optimè inservi-
unt.

Aperitur enim tertiò, Oculus ad^{5. Ter-}
partem *anticam*; ubi palpebræ circa^{tius.}
ciliorum margines priùs inciduntur,
tunicâ interim adnatâ intactâ, nè
vasa alitèr *lymphatica* violentur.
Dein cultellus orbitæ propiùs ad-
moveatur, & periosteum cautè ab^{Inspic.}
osse^{fig. 1.}

osse arcuato separetur ; nè musculi obliqui superioris *trochlea* ullatenus lædatur : quod sæpiùs contingit , nisi periosteum prædictum penitus auferatur.

Hisce ad fundum usq; Oculi peractis, *nervus Opticus* apparebit ; qui hamulo retractus , scalpello inde excisorio locum concedet. Oculi hoc ritu exempti vasa lymphatica inprimis conspicienda sunt ; quæ in tunicam adnatam sub tot:
Vid. fig. 8. *papillarum* formam (in Oculo vitulino recens extracto optimè conspiciuarum) desinunt. Hæ omnes fetas porcinas admittunt , quarum ope prædictorum vasorum origines in glandulis investigentur. Quibus perspectis tunica adnata penitus excindatur, ut musculorum tendines in conspectum veniant ; indeq; musculi, modo statim describendo, separentur.

Hisce postea cum pinguedine sublati tota tunicae scleroticæ superficie;

Anatomici in dissectione Oculi. 77

perfacies convexa apparebit, ejus-
démq; pars anterior, seu *cornea*
sectione circulari, forficulæ ope,
abscissa, *aqueum humorem*, (qui re-
pentè diffluit) item *pupillam*, &
iridem ostendet. Cavendum interim
est, nè dum *humor aqueus* exilit, &
tunica hæc flaccescit, *iris* à forficis
cuspide (ut aliquando in depressione
cataractæ ab acu argenteâ) dilace-
retur. Eâdem porrò cautelâ ad
tunicæ uveæ à sclerode separatio-
nem, item ad humoris crySTALLINI &
processuum ciliarium situm inspi-
ciendum opus est: quod more se-
quenti meliùs peragatur.

Ad partem itaq; *posticam* Oculus 6. *Quar-*
quartò optimè aperitur, si (patientia ^{ius.}
adhibitâ) cranii ossa ferrulâ vel cuneo
divisa, vossellæ ope, minutatim ex-
trahantur; ut eò nervi *optici*, *mo-*
torii, *pathetici*, item rami quinti &
sexti paris *Ophthalmici*, unâ cum
musculis appensis, denudentur, &
distincta eorum commercia in pro-
patulo

[78] De administratione cultri

patulo exhibeantur. Dein hisce nervis juxta origines suas rescissis, eorum insertiones sedulò observentur; quarum interventu rami quinti paris (ut superius dictum est) *glandulis & palpebris*, propagines sexti paris *musculis abducentibus & suspensoriis*, pathetici *trochlearibus*, nervi denique *motorii* reliquis prospiciunt: Nervi interim Optici ad partes Oculorum posticas utrinq; deferuntur. Hisce perlustratis & pinguedine cautè sublatâ musculi proximè evolvendi sunt; in quorum separatione à *trochlearibus* semper exordiendum est, indèque cæteros (præsertim si *nervus Opticus* prius mensæ affigatur) à parte posteriori ad anteriorem sive tendines progressus, cultelli ope facile secernas.

*Inspic.
fig. 1.*

7. A musculorum examine ad membranas deveniendum est, quarum extima seu *sclerodes* statim cernitur; cujus lateri vulnus levissimè inflictum

Anatomici in dissectione Oculi. 79

inflictum primò *choroeidem* subjacentem, indèq; mucosam *retinae* substantiam prodibit. Postea, forficulâ in labia vulneris immissâ, pars Oculi posterior, versùs fundum, ab anteriori abscindatur; quo pacto ex unâ parte *humor vitreus*, *crystallinus*, & *processus ciliares*, jucundo sanè spectaculo, in situ suo apparebunt; & *tunica retiformis* ex aliâ parte, item *uvea*, & *sclerodes* (quic-^{Cult. A.} quid in contrarium statuit Lyserus)^{nat. lib. 3.} ab invicem facillè separantur.^{6. 8.}

In encheiresi verò hâc Anatomicâ summâ diligentia & cautelâ opus est, nè partes prædictæ nimia præcipitantiâ violentur. Rarò itaque tota succedit operatio, nisi tyro Anatomicus partes antea corporis majores crassiori saltèm more dissecuerit: subtilis enim & tenella hujus organi textura summam Anatomici diligentiam & artem exercebit.

Hi sunt præcipui modi administrationis.

80 *De Administratione cultri, &c.*
strationis Anatomicæ; aliis verò
per intervalla, viis & methodis
insistendum est; eò quod omnia
organi hujus pulcherrimi ornamen-
ta nequeant unâ vice collustrari.
Quamobrem repetitâ sæpiùs in-
dagine opus est, ut debitum par-
tium omnium situm, figuram, &
connexionem perpendat Anatomia-
cus; quò indies perfectiorem earum
notitiam affecutus, immensam Con-
ditoris nostri sapientiam impensius
admiretur.

FINIS.

Explicatio Fig. primæ.

In quâ Nervus Opticus & Musculi
in Oculo Ovino describuntur.

- a. *Musculus attollens.*
- d. *Deprimens seu antagonista, cum
nervi Motorii ramulo h appenso.*
- c. *Adducens juxta cartilaginem seu
musculum nictitantem n desi-
nens.*
- b. *Musculus abducens versus muscu-
lum suspensorium m paululum
deflexus.*
- g. *Nervus Opticus obliquè tunica
sclerodi insertus.*
- e. *Musculus obliquus superior tro-
chleæ l insertus, & subter ten-
dinem musculi attollentis desi-
nens.*
- f. *Periosteï portiuncula trochleæ
prædictæ adherens.*
- f. *Mus-*

- f. *Musculus obliquus inferior cum parte Orbitæ i appensâ, in quâ foramen peculiare obtinet.*
- m. *Musculi suspensorii portio à nervo Optico g separata, & sursum versus abducentis tendinem deflexa.*
- o. *Pars tunica adnatæ.*
- p. *Nervi motorii ramulus in plures propagines juxta musculi deprimæ principium divisus.*
- q, q, q, &c. *Musculorum tendines.*
-

Fig. Secunda.

Oculi tunicas obliquè sectas ostendit, ut Nervus Opticus in conspectum veniat.

- a, a. *Pars tunica sclerotica posterior.*
- b, b. *Choroïdes eidem subjecta.*
- c. *Tunica retiformis paululum retracta.* d, d, d.

d,d,d. *Ejusdem fibræ tanquàm tot radii ad centrum Nervi Optici f properantes.*

e,e,e,e,e. *Arteriarum & venarum exiles propagines ad ligamentum ciliare tendentes.*

g. *Tunica Nervi Optici exterior retracta, ut interior h appareat.*

Explicatio Fig. Tertiæ.

a,a,a. *Pars tunica uveæ, quæ sclerotica adhæsit.*

b. *Iris, seu prædictæ tunica duplicatæ pars exterior.*

c,c. *Ligamenti ciliaris portio evoluta, quæ priùs parti tunica uveæ e, e, adhæsit.*

†. *Pupilla humori crystallino incumbens.*

Explicatio Fig. Quartæ.

- a. Chartula intermedia.
- b, c. Duæ chartæ laterales.
- d. Locus digiti spithamæ circiter
distantiam à nasi extremitate
g amoti.
- f. Oculus dexter. e. sinister.
- I 1, 2 2, 3, 3. &c. Filamenta Nervo-
rum Opticorum homologa seu
concordia, ad similes sc. tum O-
culorum tum thalamorum Opti-
corum regiones spectantia; quæ
horum protuberantiis (cuius tot
chordarum unisonarum paria
ponticulis suis) protendi sup-
ponuntur.

Figura Quinta.

Oculum secundum axem sectum
repræsentat, ut diversæ humo-
rum regiones compareant.

- b, a, b. Tunica cornea, seu arcus oculi
convexior.
- e, e.

- e, e. *Tunica uvea* (cujus foramen o dicitur pupilla) humori aqueo c, c, c, c, innatans.
- d. *Humor crystallinus in situ* ; qui quoad partem anticam segmentum majoris ellipsis, quoad posticam verò minoris segmentum refert.
- f, f. *Tunica choroeides*, quæ in hac figurâ (utpote à scleroticâ m m nimis separata) nequit more debito representari.
- g. *Nervi Optici portio pupillæ regioni in homine prospiciens*, cum ejusdem fibrillis in oculo bovino satis conspicuis.
- h. *Fibrillæ aliquot juxta nervi exitum abscissæ.*
- i. *Humoris vitrei & Retinæ centrum.*
- 1, 2, 3, 4, 5, &c. *Nervi Optici capillamenta*, quorum extremitates utrinque abscissæ ligamento ciliari (juxta humoris nempe

nempe crystallini regionem) adhærebant.

Figura Sexta.

Partem Nervi Optici transversè secti & exiccati, ejusdemq; fibras in Oculo bovino conspicuas representat.

Explicatio Fig. Septimæ.

- a. Humor crystallinus.
- b,b,b. Pars humoris Vitrei, cui retina portio incumbit.
- c,c,c. Venule & arteriolarum plurimæ ligamento ciliari + protensa, quæ vitro vel crystallo impositæ, indeq; soli obversæ optimè apparent; quas Retina fibrillæ e e comitantur.

Fig.

Figura Octava.

Exhibet glandulam externam seu lachrymalem & vasa octo lymphatica in oculo vitulino optimè conspicua.

a,b,c. *Tunica adnata seu albuginea retracta.*

d,e,f. *Tunica cornea regio.*

g. *Glandula externa seu lachrymalis.*

h. *Pinguedinis portio, quæ glandula prædicta accrescit.*

1,2,3,4,5,6,7,8. *Setæ porcinae immissæ in vasorum lymphaticorum oscula i, i, i, l, l, i, i, i; quorum duo intermedia l, l, unâ cum ramulis n n in glandulam desinentibus in propatulo exhibentur.*




Fig:1.




Fig:2.




Fig:3.





Fig:4.






Fig: 5.



Fig: 6.



Fig 8




Fig: 7.

